



0931	貴	年
86	重	月
21	書	日
佛教大学蔵書		
第	333224	号



依主云
持業云

淨土略名目圖見聞上

問何故名淨土耶答淨者清淨義也土者國土也

謂佛心證清淨真如從其淨心緣起國土故名淨土

知具云清淨國土經云當得見彼清淨國土文大論

云諸大菩薩福德清淨業因緣故別得清淨國土出

於三界比南山釋云世泉皎潔名之為淨淨之所居

名之為土也比問若余者為是淨之土為當淨即土

答可通二義若約淨心所現國土故名淨土義者是

淨之土故即依主釋也今所引大論南山等此意也

若約淨心全顯即成國土義者淨即土故持業釋也



五陀羅
經卷之

經王好細腰
皆鐵死之

法堂三子
卷上

觀經疏

龍興記云無穢所託之處名為淨土持業為名此問
如是淨土是為三界內亦為三界外吞三界於業煩
惱所感也故云不淨淨土是淨真如所流也故云清
淨知三界外事故大論既云別得清淨國土出於三
界比今論正判勝過三界道不足為疑難云仁王經
云三界外別有一衆生界者是外道大有經中說非
瓔珞經云三東七佛所說也上知淨土云三界內亦者如何吞若約
外別有一衆生界者淨穢共三界內也仁王經等此意也若約躰者
東者是摩訶
陀回安陀羅淨土出三界大論等此意也故天台仁王經疏云此
說非佛所說
說理也論云三界外有變易生死者此論不繫三

有故名爲外若論處所不出三界之域也故知三界
外無別衆生而言出者以無煩惱定繫處故云出耳
此言清淨真如開見一塵法界土其一塵處所是三
界內也故云別無一衆生界其法界躰無煩惱定繫
云出於三界是維摩經說隨其心淨即佛土淨也云
宗因明宗義有獨尊歸趣總攝三義先淨土宗談勝諸
宗是獨尊義也談諸宗終歸我宗得益是歸趣義也
立淨土宗時諸宗教相皆動知是統攝義也如此依
有三義名宗何宗一同也云今此宗以淨土爲所
略故云淨土宗問略者何謂乎吞略者是約意也但於

諸教相義

略有三藏
之略
略有三藏

名目

略有閑略有省略從本約者名之為閑略約廣多者
名目為省略今略者省略義也問名目者何義耶否俱是
名義也難云尔者重言如何否不尔大綱是名義也
小綱是目義也故妙樂釋云大綱為名綱目為目上
圖問圖者何義耶否圖者畫圖亦是卜度義也謂圖度
一宗大綱綱目故云名目圖撰号事云序事依教分
依教分宗宗者宗旨不同也依宗教別者教之大小也云大品
然惠者諸法皆空慧命也維摩不思議解脫者大小
無妨也法華一佛乘者諸法實相也涅槃常住佛性
者皆當作佛也云問依教分宗其意如何否此等宗

大品者諸法皆空

依宗教別

宗於一一經中各各談之宗旨也故云依教分宗如
今淨土宗者以兩三昧為宗旨也謂觀佛三昧念佛
三昧也問依宗教別其意如何否定經經中各各宗
旨後以一宗眼批判一代隨諸師意樂教相各別也
如下舉十宗教相不同故云依宗教別如今淨土宗
者以二道二門二藏為教相也謂難行易行聖道淨
土聲聞菩薩等也云根機不一順等者從此已下至
諸師異解者說法明眼論意也且如宋祖等者從此
已下十宗教相華嚴論意也問今所舉華嚴論十宗
與和朝將來十宗為同為異如何否和朝將來十宗

根機

和朝將來十宗

著一俱舍宗二成實宗三戒律宗曰上小乘四法相宗五
 三論宗曰上權大乘也六華嚴宗七天台宗八真言宗九佛
 心宗十淨土宗曰上實大乘也於中初六宗聖武天皇御代
 興之天台真言兩宗桓武平城嵯峨天皇等御代興
 之并前名八宗佛心一宗土御門天皇御時興之合
 上曰九宗淨土一宗後白河二條院御治世以來盛
 興之但知有此宗從佛法最初上官太子御時有之
 故非適今也此等十宗非將來時代只是論宗宗淺
 深次第也依時代者三論先初四宗淨土先禪宗者
 也云今此華嚴論十宗中第一之一音宗其義髣髴

七種不義

廣當華嚴等五箇實大乘宗第二之圓頓宗與第三
 之圓宗共當三論宗第四真宗當法相宗第五之法
 界宗正華嚴宗也第六之法華宗乃是天台宗也第
 七圓滿一乘宗亦是華嚴宗也第八亦是三論宗也
 第九之光宅宗和朝未將來即是法華宗謬解故天
 台大師所破也第十之密宗是真言陀羅尼宗也故
 知小乘三宗教相雖入之非十宗列也問真言學者
 云如來金言說宗名獨在真言聖位經云真言陀羅
 尼宗者一切如來秘密奧旨自覺聖智殊勝法門此
 顯教無經說何許宗名耶設安宗名可起學密宗云

後魏時代佛經之經卷
宗經以爲各宗前年
人所請也

此義如何不縱雖無其說若有其義何不許之依教
分宗自本人師所立也况顯教經中正有說宗名何
云無其說乎華嚴經云互通世間一切法門能入法
界之宗不隨斷常之見比以一顯諸耳云尋曰於淨
土經亦有其說耶香其義有之大經云典覽智慧修
道之要執持網維照然分明比修造之要者宗義也
經維者亦是宗義觀經云此經此法之要比宗者要
也第一之一音宗中言宗祖者淨土傳來祖師也乃
是淨土論譯者也後魏者代名也凡大唐國有三皇
五帝并十四代帝也三皇者伏羲神農黃帝也五帝

後魏

三藏

者少吳顓頊帝學唐堯虞舜也亦十四代者夏殷周殷
秦漢魏晉宗齊梁陳隋唐宋也其中於魏代有前後
晉為中間今三藏後魏代第七主世祖宣武帝治十六
永平二年卯來朝北天竺者三藏本國北天竺乾陀
會國也三藏者譯經人師經律論三諦之故法師若
群疑論七云善知時事名大法師比是出家都名也
善提流支者是梵語此翻道希但流支正云留支今
是借音也又有唐善提流志是同名異號也云開所
立一音宗者是一音衆音一音敷為當如何香不亦
一音家衆音家共是謬解故今一音宗曰是圓音一

一音

各卷上

卷之一音

音也云第二之圓頓宗中陳朝者代名云真諦者法
師別名也問圓頓宗者其義如何答圓者正是圓滿
之義也頓者即是頓極之稱問今圓頓宗相對漸教
其義如何答此有二義一曰大從小入名為漸教不
大從小名為頓教此乃如次迂迴直道教也二曰塵
劫昇進以為漸教速疾覺滿名之云頓教此乃劫
不經劫教也二義并存今圓頓宗也云第三圓宗中
後魏者亦是代名也光統是師別名也具云慧光統
是官也此師時僧統故律師是位也亦云學士光統
云開真諦圓頓宗與光統圓宗同異如何答上頓教

中不大從小入與大速疾覺滿如次開之為頓教圓
教二宗歟云第四真宗中齊朝者是代名也大衍者
即是師別名也問因緣教者何者耶答俱含有部宗
云立六因四緣五果分別諸法故名因緣教六因者
一能作因二俱有因三同類因四相應因五遍行因
六異熟因也四緣者一因緣緣二所緣緣三等無間
緣四增上緣也五果者一異熟果二等流果三離繫
果四士用果五增上果也問六因門中能作因等者
其相如何答能作因者於有為諸法中若一法成時
諸法不障許令成諸法似有能作功德而除一法自

卷上

六

五過

俱有目

同類目

相應目

遍行目

異熱目

四緣

辨其餘諸法呼為能作因云俱有因者諸法互相因
 成各各躰如兩輪如二足如雙翼如并著亦如新亦
 如柱故云俱有因同類因者相似自地諸法局為自
 地因又相似自部諸法局成自部因等也相應因者
 心王與心所於有為法相應成因故云相應因遍行
 因者其躰煩惱也但苦集下七見二疑二無明十一
 遍使遍於四諦修道法而為障惑成生死因故也異
 熱因者有漏善惡因業之異時熱感無記果名異熱
 因前五因持業釋也謂能作即因等故第六異熱因
 一依主釋也謂異熱之因故云開四緣門中因緣緣

目錄

所緣

等無間

增上

五果

等其相如何本因緣緣者是成果因即捍亦云緣也
 謂為所成果能成因如緣義故也所緣緣者一法自
 顯時諸法所緣即成事業故也等無間緣者前念去
 者為後念來成緣猶如流水故也增上緣者意似能
 作因謂一法顯時諸法許令成能成之諸法方得能
 作因若又從所成一法方見之諸法即如緣故云增
 上緣增上是勝義也此等四緣共是持業釋也謂因
 即緣等也云開五果門中異熱果等其躰如何各異
 熱果者異熱因之所成果也等流果者因果雖異非
 果似善因惡果似惡因謂放生等流果短命等也離

略觀上

二

繫果者有漏斷者得有漏離繫得無漏斷人得無漏
離繫得所以云離繫者擇滅無為也擇滅無為者以智
惠斷煩惱諸惑不生也是云離繫果已上三果是持
業釋也土用果者若期無漏慧人定惠均等修故成
無漏惠是云土用果此之一者依主釋也增上果者
超過前六因四緣五果透出英長一法名為增上果
言心能作因與增上緣所成成果也此之一者是持業
釋也云開假名教者是何者耶香成實論明三假淨
虛觀故云假名教三假者一因成假二相待假三相
續假也言諸法因緣和合實無常也是云因成假諸

法海宗

法對長名短對短名長實是無常也此云相待假諸
法念念生滅無暫住性故無常也是云相續假也開
不真教者是何等耶香諸大乘中如幻即空觀也開
真教者是何者耶香諸大乘中妙有真有教也第五
法界宗中護身者法師別名也今所云法界宗者華
嚴云應觀法界性一切唯心造此又云能入法界之
宗比第六法華宗中天台者台州天梯山名也智顛
者智者大師名也開五時次第其義如何香五時者
是一代說法化儀也化儀者調停機次第也於中
嚴者說別圓頓大旨利厚殖善根機故名兼教舍利

五時

法華宗

法苑珠林

嚴果位
故云花

阿含經卷五
一增四卷
二長一
三六十五
四種一五十五

方等華經

弗等諸大聲聞如聾如瘖非其境界也如來哀之擬
宜為如何度之故名擬宜教而聲聞等不知其法味
故名乳味教也是如來寂初正覺之時加說法慧功
德林金剛幢金剛藏文殊普賢等六大菩薩經也加
說者加佛力令說經也但如來名号品一品計說也
云阿含者說但三藏法度二乘人故名但教是與非
如來本意誘引小根故名誘引教聲聞等小分知其
法味故名酪味教是如來正覺後經五十七日為物
隣阿鞞摩訶男十力迦葉物梨太子等五比丘而說
此經也方等者說藏通別圓法四教機各各聞之面

說四教五圖故

面得悟故云四教並對教而如來為捨小乘歸大乘
故彈呵小乘涅槃故名彈呵教聲聞等馳小慕大故
名生蘇味而猶證果未改也般若者說後三大乘利
通別圓機故名帶教聲聞等被加轉教付財故名調
汰教聲聞等深悟大乘法味故亦云然蘇味教法華
者過四味三教調停說純圓一實旨諸大聲聞等各
皆悟本來成佛理故名醍醐味教涅槃者亦是說常
住佛性旨四教機同悟故亦名醍醐味決一代不審
故云招捨教也云問何故不云六時耶答法華涅槃
同醍醐味故立一味名五時也問何故第五時一味

拾教

各見止

九

有二部經耶。於五味教，即有前番有後番。前番五味時，以法華為第五時，後番五味時，以涅槃為第五時。故於第五一時，有二部經名。五時不名六時也。問四教者，其相如何？答是一代五時間所說法也。故云化法四教。於中三藏教，但小乘也。阿含經說也。通教者三乘共學教也。般若經說也。別教者獨菩薩教也。華嚴方等般若等說也。圓教者華嚴方等般若法華涅槃等說也。但正以法華所說圓名純圓教也。尋云化儀四教者，其相如何？答漸教頓教秘密教不定教也。而只是五時說教也。謂漸教者從阿含至法華

圓滿正宗

是也。頓教者此是華嚴也。秘密教者說衆多法，但聞已，所樂不聞他所得也。不定教者大小更互說聞小說悟大聞大悟小等也。云第七圓滿一乘宗中，新羅國者法師本國也。元曉師別名也。問華嚴宗五教，與此師所立四教同異如何？答五教者一小乘教二大乘始教三大乘終教四大乘頓教五大乘圓教也。今四教者於五教中略小乘與頓教，但舉始終圓三。但開圓中同教一乘與別教一乘而為二教名，分滿二教，并始終兩教，以為四教。故知非全同非全別。三乘通教者三乘共學，故云通是始教也。二乘別教者獨菩

略見上

三本

薩教故云別是終教也一乘分教者與諸聲聞共說故云分亦云同教一乘也一乘滿教者與聲聞眾不共說故云滿亦云別教一乘也如次當天台華嚴也云又於彼宗十宗教相有之一我法俱有宗二法有我無宗三法無去來宗四現通假實宗五俗妄真實宗六諸法但名宗七一切皆空宗八真德不空宗九相想俱絕宗十圓明具德宗也初六小乘教第七始教第八終教第九頓教第十圓教也云第八三論宗中嘉祥寺號也古藏師名也問三法輪者其相如何答根本華嚴也枝末阿含方等般若等大小經也

日本根宗

佛甲の二三の如く

未歸本法華也問二藏者其義如何答大小乘異名也問若亦者與今宗二藏同也耶答大旨不異但彼所云聲聞藏與今全同菩薩藏有漸頓與今漸頓且有少異謂彼漸頓共當今宗漸教也約所依論名三論宗者一中論卷八龍樹菩薩造也二百論卷二提婆菩薩造也三十二問論卷一亦是龍樹菩薩造也或加智論名四論宗也智論具云大智度論是釋大品經亦是龍樹菩薩所造一百卷論也云第九光宅宗中梁朝者亦是代名也光宅寺號也雲此法師別名也具云小雲第一時者此師所立五時只是約說時次第

小雲第一時者此師所立五時只是約說時次第

於中第一時是人天乘也第二時聲聞緣覺乘也第三時菩薩乘也第四第五並是佛乘也但略華嚴開涅槃從淺至深次第故意合法華不別立華嚴又歸一常住純圓招拾解行俱圓解圓行漸六云開此師華涅槃各別立之也而不如天台五時六云開此師所立四教者其相如何答羊鹿牛犬四教亦次聲緣菩薩佛四乘也但羊車教與鹿車教俱當天台當三藏教也牛車教當彼通別二教大白牛車教正是彼圓教也又法相三論二宗依法華立三車天台光宅兩宗亦是依法華立四車此乃文依學者執見之謂也先

法相三論意牛車與大白牛車一躰異名也其故法華文既云羊車鹿車大牛之車今在門外汝等出來故牛車之外不可有於大白牛車但是廢二乘歸一乘其一乘者大乘異名也故俱云三車宗也但法相為引不定性聲聞廢二歸一實三乘俱真實也成立之也三論為引諸聲聞會二歸一故二乘方便一乘真實也建立之是其別也次光宅天台意牛車與大白牛車全以別也其故文既云羊車鹿車牛車今在門外可以遊戲故只是門前三車誘引方便也其外與寶物莊嚴等六車故廢三乘歸一乘其一乘者善

密宗

薩乘外佛乘也所以次下文云初以三車誘引諸子
然後但與大車寶物莊嚴安穩第一也成弁之也故
云四車宗今宗亦如此具如下釋云第十密宗中唯
顯教者一代聖教中不說陀羅尼藏經也顯密教者
一代經卷中說陀羅尼藏經也已上二教共是釋迦
如來所說也純密教者龍猛所傳鐵塔涌出三部大
法五部曼陀羅也此是大日如來所說也然則唯顯
教淺略也顯密教深秘也亦名雜部真言教純密教
秘中秘秘中也若依能說教主前之二教合名顯教
後之一教別名密教是云顯密二教也二教論云應

秘教

南天祖

佛開演名為顯教法身常性法佛談話稱為密教上云又彼宗
有十住心教相一異生報羊心是惡趣心也二愚童
持齊心是人乘也三嬰童無畏心是天乘也四唯蘊
無我心是聲聞乘心也五拔業因種心是獨覺乘心
也六他緣大乘心是法相宗也七覺心不生心是三
論宗也八一道清淨心是天台宗也九極無自性心
是華嚴宗也十秘密莊嚴住心是真言宗也於中初
三世間住心次二小乘住心次二權大乘住心次二
實大乘住心後之一密乘住心也云又聖德太子等
已下明眼論意也一南天祖師等者是達摩大師也

略見上

十三

達摩南天竺香至大王第三王子也故云南天祖師
問何故云達摩耶香菩提達摩此翻道法亦義翻云
通大今用通大意通大者深通達佛法大乘義也所
以者何般若多羅尊者行化南印度香至大王迎供
養之施以無上無價寶珠尊者以所施珠示王三子
第一王子月淨多羅第二王子功德多羅共同云此
珠無價於三千界寂為其上以示第三王子菩提多
羅即握珠投尊者云大王所施寂為珍寶何投之地
王子云此是世珍寶未是真寶佛法真寶豈得此類
尊者云汝雖幼稚大通佛乘即改多羅号達摩從余

已來名菩提摩知是達摩者通大義也問何故
直不云達摩云祖師耶香云問禪教共可有三業何
云口教意禪乎香實尔也但彼宗意雖有三業修行
以言句而為本故教且云口業此乃言說之中意業
故雖有三業承當以意業而為本故禪且云意業斯
則無言說之上言說故也是云承當非無而但是人
無知云問彼宗教相但禪教而已乎香或為禪教二
或為禪教律三云又於彼宗中五家七宗手段異也
五家者臨濟曹洞為仰雲門法眼也七宗者從臨濟
宗下出揚岐黃龍二宗本末合論而云七宗也於中

擇

和朝將來禪宗，但是臨濟、漕洞二宗也。臨濟一宗有四喝，四賓主，四料簡等。四喝者：一金剛王寶劍喝，二踞地獅子喝，三捺竿影草喝，四不作一喝用喝也。四賓主者：賓中主，主中賓，賓中賓，主中主也。四料簡者：一、棄人不棄境，二、棄境不棄人，三、人境兩俱棄，四、人境兩不棄也。漕洞一宗有五位君臣，五位者：一、正中偏，二、偏中正，三、正中來，四、兼中至，五、兼中到也。此五位，逆次當大極一易二儀四相八卦也。此等宗風委參窮之，應知云云。二、南方慧觀等者云云。三、光宅寺雲法師等者云云。四、齊朝曇鸞法師等者如下所釋二教。

者是難易二道教也。故高祖大經私記云：曇鸞法師立二教，一難行道教，二易行道教。上上來四師分教，如次禪宗、天台宗、光宅宗、淨土宗也。云云。方今我高祖等者，從此已下，正是建曆年中法語也。高祖者，父祖曾祖高祖始祖如次，從我已前五代有祖名也。此乃以蓮勝上人語顯愚之為彼門人云云。選須歸三師釋義等者，問於一宗中何故如此教相，遍耶吞佛教義趣，不過教行證三。然則玄忠二道是約行教相也，西河二門是約證教相也。一家二藏是約教教相也。故各舉一邊並通用之一。北齊大巖等者，北是地名，乃

法益三非淨律云

初八祖師

北四

是江北也齊是代名是後魏也即對南梁故云北齊
 大巖玄忠並是寺號也於中大巖公方大刹依詔而
 住玄忠私之開山依道而移墨鸞師別名也玄閑著
 薩勒號也大和尚受戒尊師也非戒師不云傳燈大
 和尚也云此師鴈門人也如來滅後一千四百二十
 五年後魏第六主孝文帝治六承明元年丙辰生當劉
四後廢帝同興和四壬戌年當齊大五月二十六日於
元徽平遙山寺入滅時年六十有七云二唐朝等者唐朝
 代名西河所名也後住玄忠寺故亦云後玄忠道綽
 師別名也禪師勅號也大和尚如向云此師并洲汶

水人也如來滅後一千五百一十一年後周武皇帝
 元保定二年壬午生唐貞觀十九乙巳年四月二十七日於
 玄忠寺入滅時年八十有四云三唐朝終南等者唐
 朝如上終南山名悟真寺號也彼寺在彼山故云終
 南悟真光明亦是寺名是在京師又復此師勅號也
 善導是師別名也大師者是亦勅號也淨業者是師
 德號修淨業故也云大和尚亦如前前云此師泗州
 人也如來滅後一千五百六十一年隋煬帝大業九
 年癸卯誕生唐高宗皇帝永隆二年辛巳三月十四日或云二十
 日入滅春秋六十有九云諸師皆雖造淨土章疏等

者法相六寺名義基弟子西列釋揚慈恩西方要訣龍興觀經記憬興大經疏義
寂大經連義述文讚等三論淨影大經疏觀經疏嘉
祥觀經記等華嚴元曉遊心安樂道小向法師一乘
骨月章等天台智者觀經疏弥陀經義疏慈慧大僧正
方便念佛門靈芝觀經疏弥陀經義疏慈慧大僧正
九品往生義慧心僧都弥陀經略記等真言覺支秘
密念佛集禪宗永明智覺延壽禪師淨土說神棲安
養賦真歇清了禪師蓮華勝會舒丰公淨土文樂邦
文類等不可稱計云此等諸師雖構淨土傍本宗義
淨教為半剥故云不弁意趣云今略示三師釋義等

者二道者難行道易行道也二門者聖道門淨土門
也二藏者聲聞藏菩薩藏也三乘者聲聞緣覺菩薩
乘也二教者漸教頓教也二分者初分後分教也二
頓者性頓教相頓教也三種法數者往生內因往生
外緣按五分往生品位也內因三者安心起行作業也外緣
三者三九法揔願別願五增上緣也品位三者三輩九品并
淨土實義也重重法數段段末科一一如如洒洒曆
曆具如名目箇而已

○二藏事法藏

問何故聲聞菩薩共名藏耶答藏者包藏義也謂諸

聲聞教三乘五性七賢七聖三道四果三祇百劫六
住定八相等種種法數包藏名之一處故云聲聞藏
也又諸菩薩教漸教頓教初分後分性頓相頓三賢
十地六十一地等種種法數包藏名之一處故云菩
薩藏也云第一聲聞藏事諸部小乘名之為聲聞藏
宗祖三藏亦名為半字教此乃小乘聖道門也此教
中明三乘得度於中聲聞修四諦十六行相經七賢
七聖極速三生極遲六十劫歸無餘涅槃緣覺觀十
二因緣極速四生極遲百劫得自乘菩提歸無餘涅
槃菩薩修六度萬行定經三祇百劫八相成道歸無

餘涅槃如是因行四諦十二因緣六度萬行雖異終
同歸入無餘涅槃故同名聲聞藏也所云無餘涅槃
者斷破惑障滅止惡業無可牽生因緣故於三界中
不再受生如枯木瓦石無心無想也破和合塵緣等
虛空法界名歸無餘涅槃者此翻不生不滅故
也云具如教相義三乘事問何故名聲聞乘耶答
聲者佛聲教聞者機聞受謂聞佛音聲修行覺道故
云聲聞聲之聞故依主釋也問何故名緣覺乘乎答
覺云辟支佛此云獨覺不聞佛聲教於無佛世出世
成道故云獨覺獨即覺故持業釋也云亦云緣覺觀

十二因緣并飛華落葉證菩提緣之覺故依主釋也
問何故名菩薩乘耶答梵云菩薩具云菩提薩埵菩
提此翻道薩埵此翻心亦云有情故畢竟云道心或
云道有情心與有情言異意同所云道者是佛道也
心若眾生能求心也求佛道心也道之心故依主釋
也或可云道者佛道也有情者法界有情也上求佛
道下化有情此人道與有情以為所緣故有財尺也
聞此等三人何共名乘耶答乘者運載義亦是智慧
稱也聞既有如是三乘何以小乘偏名聲聞藏耶答
小乘意正化二乘傍化菩薩故云但於二乘中緣覺

教理行果少從聲聞故順多名聲聞藏况緣覺不值
佛世也今大小乘是約值佛聞法之者也云具如三
乘義

○一聲聞乘事

○七賢者雖未斷惑凡夫秀流轉九夫故云賢賢者對
愚言故頌疏云賢謂賢和上七聖者斷惑聖者得無
漏真智故云聖聖者無漏異名故頌疏云聖謂聖慧
比於七賢中初三云三賢後四云四善根三賢亦云
順解脫分之善根四善根亦云順決擇分之善根於
七聖中初二云見道次三云修道後二云無學道見

道初果向修道初二三果無學道第四果也是云七
賢七聖中三賢四善根三道四果也問何故三賢名
解脫分耶本^順是終可歸涅槃善根故云順解脫分涅
槃生死解脫故也亦此三賢云資糧位遠到涅槃城
資糧故也亦名外九位其位最深故也問何故四善
根名順決擇分耶本可得無漏智善根故云順決擇
分斷惑依決擇智惠故也亦此四善根云加行位近
起斷惑智忍加行故加行者前方便也亦云內九位
其位最深故也云問何故七聖中初二聖云見道耶本隨
信隨法二人斷見惑明見四真諦理故問何故次三

五停心

聖云修道耶本信解見得身證三人斷修惑數修涅
槃法故問何故後二聖云無學道耶本時解脫不時
解脫二人所作已弁無所作故云七賢下 一五
停心之事流轉凡夫初發心狀生死求涅槃之時家
初今修五停心也問何故云數息停心耶本先教數
入出息風治散亂心是云治覺觀覺觀者舊譯言也
新譯云尋伺尋求伺察心鹿細散亂也問云何數之
耶本入息為一出息為二入息為三乃至出息為十
十數後亦還初入息為一乃至出息為十更勿數二十
三十乃至百千但以十為終以一為始而已也若能

多者多會意云
戒者多會意云

如是者心數定住停散亂心也問何故云不淨停心
耶者即治散亂心了觀身不淨治貪愛心也但貪嗔
心不定地法故今所治是惡心相應貪心也貪沮繫
愛誠惡業嗔非今所治下嗔恚以之可知問云何觀
不淨耶者有五種不淨觀一種子不淨二住所不淨
三自相不淨四自性不淨五究竟不淨也如是觀之
破貪心也云又付八解脫八勝處九次第定十一遍
處等而有觀練薰修四禪皆是不淨觀攝屬也具如
聲聞義云問何故云慈悲停心耶者既觀內外不淨
了於一切親疎遠近發憐愍心治嗔憎之心所以慈

四念住

悲者與樂名慈拔苦云悲問何故云因緣停心耶者
觀諸法因緣和合生起次第治愚癡心也即是十二
因緣法也委如下辟支佛乘云問何故云念佛停心
耶者如是治貪嗔癡尚有於我相執著之心若觀如
來三十二相端嚴殊妙著相心自然而治是云念佛
停心治著我也二別想念處事既以五觀除五障心
了次以身受心法境修不淨苦無常無我觀而以破
淨樂常我四倒心境各別修之故云別想念處也但
是一往也於此中亦有二二合緣三三合緣四法摠
緣不同是共別想念處行也云問何故修之耶者觀

各別念處

二二一

身不淨破淨顛倒觀受苦破樂顛倒觀心無常破常
顛倒觀法無我破我顛倒也如是身受心法四所觀
境也念者觀不淨苦無常無我能觀智慧也淨樂常
我四倒所治惡也但此四念舊譯云四念處新譯云
四念住若此之時可云別想念住也今題目云處列
尺云住影略互顯新舊並用云三揔想念處事先境
觀各別修之雖破四顛倒末自在今境觀揔修同時
破四倒故俱舍頌云彼居法念住惣觀四所緣上問
云何修之耶答境觀揔修隨機昇進尚有四句不同
所謂一境觀俱別是境別觀別也謂身不淨受苦心

無常法無我偏如別想念處二境揔觀別謂身受心
法不淨受苦心法身苦心法身受無常法身受心無我
也三境別觀揔謂身不淨苦無常無我受苦無常無
我不淨心無常無我不淨苦法無我不淨苦無常也
四境觀俱惣是境揔觀揔也謂身受心法不淨苦無
常無我受苦心法身苦無常無我不淨苦無常也明付第
一句頗有不審既境觀揔修名揔想念處何尚有境
別觀別句耶答實尔也但今四句行者昇進門故初
一句為修揔想念處家初尚一遍修別想念處境別

觀別故為揔想念處第一句也云問第二之時何身
 受心法皆觀不淨耶答四法一類不離物故身不淨
 受心法三亦不淨也乃至法無我身受心三亦無我
 也此乃以境揔雖為所期行人未練故尚觀別修之
 此是先境別觀別少秀也云問第三句之時何身並
 觀不淨苦無常無我耶答於一法四義宛然謂身不
 淨也五蘊當躰苦也變滅色身無常也和合假相無
 我也此乃觀揔雖為所期行人初心故尚境別修之
 此是先境揔觀別少秀也云問第四句之時何四境
 四觀同時修之耶答居法念住無我觀成就上之觀

行故非如前三句未練但境揔觀揔而二心不並起
 故實四刹那境觀俱揔雖境觀俱揔且身受心法四
 不淨苦無常無我四觀各各相對境觀俱不離也是
 云揔觀四所緣正言揔想念處者此第四句也又此
 別揔念處二成實論合立一位名憶處揔別雖異共
 修四念住故也云四煖法事前雖已於別揔念住經
 身受心法四境修不淨苦無常無我四念破淨樂常
 我四倒但是苦諦分故寂是淺中之淺也從此已下
 四賢正具修四諦觀作十六行相故淺中之深也故
 別立善根之名於中煖法修四正斷頂法行四神足

忍法具五根世第一法備五力有此別故立四賢名也問何故名煇法耶答始修四諦十六行相即成終可得無漏智之初然煩惱喻如薪無漏智尚如火彼斷惑智火先相故名煇法云問修四正斷其相如何答四正斷者修防斷律也新譯曰之四正勤一修者令已生善增長也二防者令末生惡不生也三斷者令已生惡斷滅也四律者令末生善而生於此已生善惡與末生善惡之二善二惡中勤誠猛利也是云四正斷也問新譯云四正勤其理極成舊譯何云四正斷耶斷者修防斷律中但第三而已如何答修

修習斷防防護斷斷斷律儀斷也云問已下四善根同修四諦其相如何答四諦者苦集滅道也但實上界四諦下界四諦故其正八諦也而上界下界同苦集滅道故而引重之云四諦三十二行相亦引重之云十六行相也問苦諦等者其義如何答苦者有漏世間果也集者有漏世間因也滅者無漏出世果也道者無漏出世因也所云有漏者流轉門也無漏者還滅門也此苦集滅道同言諦者是審實不虛義也謂觀苦實苦也乃至觀道實道也如彼云凡夫有苦無諦聖人有諦無苦雖受苦不知苦今已

知苦是諦也於中苦諦者是現在所受苦果依身也
 九付云苦即有三苦一苦苦二壞苦三行苦也苦苦
 者五蘊積聚依身本是苦上尚重苦受逼迫故云苦
 苦壞苦者喜盡憂來知喜是憂基也故云壞苦行苦
 者念念生滅故是云行苦其實一切唯行苦也今言
 苦諦者非是但苦受逼迫而已三苦并存五蘊苦器
 曰之苦諦也云集諦者感得此苦果依身業煩惱因
 也諸業積集成依身一故云集也滅諦者若得涅槃
 諸惑永斷諸業悉休故云滅諦道諦者若欲得此滅
 修三十七品善提分法此七科三十七品是到滅諦

之道路也故云道諦如是四諦是所觀理也觀此四
 諦每一諦以四行相觀之是能觀智也所謂苦諦苦
 也空也無常也無我也觀之集諦因也集也生也緣
 也觀之滅諦滅也靜也妙也離也觀之道諦道也如
 也行也出也觀之此名十六行相也問若尔者可云
 集苦道滅何因果不次第耶答俱舍論云知苦斷集
 證滅修道此五頂法事崩燼法下中上品修習四諦
 理數增進如登山頂故云頂法此乃於四善根中煖
 頂二位退位也忍法等二不退位也今於退分善根
 中最勝故云頂法云此位中修四諦十六行相偏如

四神足

煖法但亦修四神足是其煖頂異也所云四神足者
 是新譯言也舊譯云四如意定言異意同謂神者神
 友靈妙德即是如意自在義也足者是名定謂身依
 足而立神依定而發故呼定名是一欲者以樂欲為
 首斷行成就二勤者以勤猛為首斷行成就三心者
 以心識為首斷行成就四觀者以觀察為首斷行成
 就問既是欲勤心觀各別也何以此四種同名定耶
 答此等四種未必即定只是欲等資益於定令定堅
 固故呼四種名如意定婆娑云此四資益等持勝故
 欲謂怖求勤謂勤策心謂所依觀謂觀察故從等持

五根

為名已上來煖頂二位退位故或退而作惡人或退
 作辟支或退作菩薩乘也六忍法事前頂法之下中
 上品增進昇登於四諦法堪忍樂住不辭勞苦故云
 忍法也但已前煖頂二位各下中上品共雖修四諦
 十六行相以四正斷四神足兼修分別退分二位今
 忍法修四諦法上具足五根下中上品同以之而為
 頂忍異但修四諦十六行相聊有不同故以分下中
 上品三忍也所云五根者一信根者忍許義二精進根
 者勇猛義三念根者明記義四定根者心一境義五
 慧根者簡擇義也此五根法於此位而為修行根本

故云五根云修四諦十六行相有三忍不同者下忍位修四諦十六行相如頂法人從初苦諦苦空無常無我乃至道諦道如行出久久修行之也中忍位初修滅緣滅行其故發無漏慧心念廣多難叶故滅緣滅行留一緣一行為發無漏滅行緣也其滅行緣慣習之法故一度難捨故一行一緣漸漸滅也明其滅緣滅行之相者七周滅緣二十四周滅行也所謂於上下八諦三十二行相從初至終久久連續修行中忍人初從下界苦諦苦行相修至上界道諦道如行滅出一行相以為中忍初是為滅行第一又如本從

下界苦諦苦行相修登至上界道諦道如滅行一行相并前滅行以為第二滅行又如先從下界觀初至上界道諦道滅如行相以為第三滅行又如本從下界修初至下界道諦道如行出滅上界道諦道行相取第一滅緣不取滅行也如此每七諦家後滅行取滅緣故云七周滅緣如此每八諦滅三行相故三八二十四周滅行也以欲界苦諦下苦一行相不滅之故被云七周滅緣二十四周滅行也如此留欲界苦諦下苦一行滅空行相了名中忍滿位一行二剎那也或云二行二剎那又踏直尚一度觀苦深固不動

名上忍法是一行一刹那也七世第一法事又如先
欲求苦一行尚重觀之苦深固不動名世第一法也
故俱舍頌云上唯觀欲苦一行一刹那世第一亦然
比但上忍是忍法故備五根世第一法成五力是其
異也五力者信進念定惠也前位五善根今增力用
故轉名五力云開何故名世第一法耶答世者世間也
世間者有漏之名也言內凡外凡中此位第一也故
云世第一也此是分勝義也都勝者約能開聖道之
功用也云上來四善根各有一勝利頌曰煥必至涅
槃頂終不斷善忍不隨惡趣第一入離生比從此已

後無漏真明發十五刹那頓斷見惑如破石也其名
隨信行隨法行也云

須陀洹

○七聖之下，一隨信行，二隨法行，事隨信行，鈍根人故
隨知識教取信發惠也隨法行，利根人故直隨經教
此取信發慧也利鈍雖異共見道聖者須陀洹向也
須陀洹此翻預流初預無漏流故但此見道斷惑位
未得勝果道云之初果向斷三界見惑已正成預流
果聖者也問三界見惑其相如何答觀苦集滅道四
真諦理有僻煩惱不如理見諦理日之見惑然則見
惑其躰利僻煩惱也修惑其躰鈍任運恒起惑也於

此見惑歷三界四諦有八十八使也先於欲界苦諦
下具有十煩惱貪嗔癡慢疑身邊邪取戒也集滅二
諦各有七除身邊戒故道諦下則有八前七副戒禁
取見故也都合三十二使也色界無色界共各二十
八使也以前欲界四諦下煩惱數中各除嗔一餘如
欲界故三界合八十八使見惑也測知三界四諦異
故雖成八十八使實其躰但十煩惱貪者貪愛也嗔
者嗔怒也癡者癡闇也慢者慢舉也疑者疑議也身
見者於和合身思實身也邊見者於和合身起斷常
之見也邪見者撥無因果也見取見者取前三見劣

十煩

八惑

心也戒禁取見者非因計因非道計道也於此十中
前五云五鈍煩惱後五云五利煩惱又後疑五見其
躰全見惑也前四通見思今取見方也問斷見惑其
相如何答於上下八諦各有忍智於中下界忍智名
法忍法智上界忍智名類忍類智故成十六心於其
忍心斷苦諦等下煩惱於其智心證苦諦等下真理
則知八剎那斷四諦能迷煩惱八剎那見見惑所迷
理但前七剎那見理尚殘道類智忍所斷煩惱故曰
之初果向第十六心道類智見理坪正名初果也問
何故下界忍智名法忍法智上界忍智名類忍類智

略觀上

二十九

耶舍下界一四誦法故直云法忍法智上界色無色
 二四誦一度類聚故云類忍類智云八正道事此位
 中修八正道見思語業命進念定八不邪辨其躰順
 正理故云八正道也於中見思語三易知業者無漏
 正業即道具戒力得虫離四寸功德等也命者正命
 者正命乞食更不邪命食邪命食有四種一下口食
 耕二方口食國司等也三仰口食占卜星宿四雜口食一切種伎術
 藝能世間買賣等進念定三亦易知云三信解四見得事信
 解者前隨信行長故鈍根人也見得者亦云見至前
 隨法行長故利根人也此二聖是第二斯陀含果也

斯陀含此云一來於欲界九品思惑斷前六品故被
 牽殘下三品合潤一生惑欲界一來故云一來也問
 三界思惑其相如何吞思惑者任運恒起煩惱也其
 躰但四也謂貪嗔癡慢此四煩惱歷三界而言之則
 十煩惱也謂欲界具有四也色無色界並除嗔各三
 也合六煩惱也并欲界四煩惱即成十煩惱也十煩
 惱合即成三界九地煩惱九地各有九品煩惱故總
 成九九八十一品煩惱也所云九地者一欲界五趣
 地二離生喜樂地初三定生喜樂地禪二離喜妙樂
 地禪三捨念清淨地禪四六空無邊處地七識無邊處

阿耨

地八無所有處地九非想非非想地無色天四問思感
斷之其相如何答欲界五趣地貪嗔癡慢四煩惱大
分為三謂上中下也如次塵細微細也於上之中亦
細分三中下亦亦也故三三九品也此九品煩惱之
勢力潤欲界生七生也須臾云且上上品惑能潤兩
生上中上下中上各潤一生中中中下共潤一生下
三品惑合潤一生比然此信解見得兩人利鈍雖異
共斷前六品損可牽六生煩惱故云一來果聖者也
於中斷前五品程一來向也斷第六品正證一來果
也云五身證事身證者是第三阿那含果聖者得滅

定時之名也阿那含此云不還斷前斷殘下三品合
潤一生煩惱故不還生欲界云不還果也於中第七
八品斷程阿那含向也第九品斷之時正證不還果
也但非是一切第三果人可云身證阿那含果人中
若得滅盡定日之身證若不得滅盡定人如本可名
信解見至云問何故名身證乎答滅定無心也依身
證之故云身證也問羅漢亦得滅定何必名那含耶
答欲感末斷盡之間心散動故不能得此定那含羅
漢共得此定故舉初名之也云又於此果中惣三界
合論有七不還是云七般別論行色界有九不還是

云九般別論無色界有四不還。是云四般七般者一
中般是欲色二界中有斷盡上界煩惱入涅槃也二
生般是色界初生斷惑入涅槃三有行般是色界勤
修加行入滅四無行般是色界無勤修加行久久般
涅槃五上流般是色界第二生已上受生入涅槃六
無色般是無色界生入滅七現般是欲界現身般涅
槃九般者於中般中分為三謂一速般二非速般三
經久般如次中有位中初中後也於生般中亦分為
三謂一生般二有行般三無行般如於上流般中有
樂慧樂定二類於樂慧中亦分為三謂一全超二半

超三徧沒也三三合論九般也四般者謂一生般如
二有行般如三無行般如四上流般中樂定那舍也
合是四般也上來三果共是修道也此位中同修七
覺分一擇法覺支是智慧二精進覺支如常三喜覺
支是歡喜也四輕安覺支者身心適悅也五定覺支
六捨覺支七念覺支此三如常云六時解脫七不時
解脫事此二人如次前信解見至增進也故亦利鈍
差別不同而同斷上界八九七十二品思惑所得阿
羅漢果名也於中七十一品斷羅漢向也斷第七十
二品已正名阿羅漢果阿羅漢此云應果亦云無生

又云無著大師釋云無生即是阿羅漢也又云因亡故無生果喪故無著云上問何故云時不時耶答時解脫者是鈍根人故待有好衣好食好卧具好處好說法好同學六緣之時證果故名時解脫不時解脫者利根人故不待時處等緣證果故名不時解脫開此時解脫而成退法思法護法安住法堪達法五種羅漢不時解脫但是一種不動法也摠合云六種性羅漢也退法根羸弱故值緣退失所得果也思法恐退緣常念自害護法能防護退緣安住法無勝退緣不退無勝練根不進堪達法能好練根終達不動不

六種阿羅漢

動法無為無作無移動云又此位無所作無修助道之法故名無學道也云上來三道四果斷道是豎次第證人也此外又有橫次第證者是名經生人謂極七反有從初果橫入者也家家從第二向橫入者也一間從第三向橫入者也開極七反有其相如何查若見道位斷見惑已證初果住果已後進斷欲界六品思惑可得第二果是豎次第證人也然若此人住果已後無斷惑念命終者必七生中盡斷三界煩惱般涅槃此人或一生成二生乃至七生何生思出斷惑其一生之間必斷惑入滅是皆名極七反有也是

欲界煩惱潤七生故極至七生聖道強故不至八生也云云所云一生者人天兩生取合云一生故知共七生終者人天各合論十四生也又人天各有中有摠云是滿七生之人四七二十八生也問家家聖者其相如何答若是初果之後發勝果道惠欲斷欲界六品思惑未悉斷盡之命終之者是云家家聖者付之有二所謂三品斷命終之者成三生家家四品斷命終之者成二生家家所云家家者人中見道者天中涅槃也天中見道者人中涅槃也此人家家天家家中各有三生家家二生家家也云云問一間聖者其相

如何答已斷六品思惑得第二果之生進欲斷下三品惑若斷七八品命終之者後一生必入滅是云一間亦名一種子者上來七生家家等一生者取合人天兩生云一生若細言之加人天中有云一生中有四生也乃知又七生人受四七二十八生三生家家人受十生二生家家人受生也是以大一生名一生故也一間聖者一生者不簡人天指單一生名一生是小一生也又此次第經生之外亦有超越證人足於四善根中以有漏智五部合斷五部者四諦修道也四諦煩惱見惑修道煩惱思惑也斷欲界思惑令

斷見惑八十八使，疊為九地八十一品，隨所應數。其六品合斷之者，見道十五心後，超初果證第二果。若其九品合斷之者，見道十五心後，超初二果證第三果。有頂地九品煩惱，無有漏斷，故超證第四果之者，全不可有之。云具如聲聞義。

○二辟支佛乘下

亦名辟支迦羅。此云獨覺，亦云緣覺。或可依無常觀緣開悟者，曰之緣覺。雖不依於無常觀緣，宿習開發無師獨悟，云之獨覺。亦曰獨證。云若依淨影天台等意，摠立四句：一聲聞獨覺，此十四生未滿時，值佛成

聲聞，不值佛，被云獨覺。先世聲聞人也。二獨覺聲聞，是種姓，雖獨覺，值佛證四果。雖證四果，不修四諦，但觀十二因緣法。此先世獨覺人也。三聲聞聲聞如常，四獨覺獨覺無師獨悟如常。云若依此教意，但摠於此人，即有二種類：一部行獨覺，是先世聲聞人，於無佛世得無學果，是云聲聞獨覺。二麟喻獨覺，是本自獨覺種姓，證自乘菩提，是云獨覺之獨覺。問何故云一部行獨覺，耶？本部黨衆多故也。云問何故云麟喻獨覺，耶？畜三十界中，唯有一人無同類，如麟角獨一故。云問此等二人說法，耶？本部行說法，麟喻不說法。

問若不說法出世成道有何益耶答直雖不說法諸
弟子見其威儀自然進觀道也問此人依無常觀緣
者是何觀緣耶答或觀飛華落葉為無常觀緣或觀
十二因緣流轉為無常觀緣發心修行無師獨悟也
觀十二因緣者三世兩重十二有支也謂過去二因
現在五果重一現在三因未來兩果重二問何者名
無明耶答宿惑位無明過去造業煩惱之時五蘊等
法至現世果之時願觀之被云無明也闇昧而成生
死根元故也問何者名行耶答宿諸業名行過去作
業直被云行也此惑及業成受生因故云過去二因

問何者名識耶答識正結生蘊正母胎等結生一剎
那位識強故云識也問何故名名色耶答六處前名
色說生一念後六分未開前名及色強故云名色也
於此位中五位有之曰之胎內五位一羯賴監阿難
問經云柯羅邏此云凝滑其色如薄酪二頰部曇阿
難問經云阿浮陀此云英完其色如厚酪三閉尸阿
難問經云閉手此云血完其形如短少藥杵四捷南
阿難問經云伽那此云堅完其形如温石五鉢羅奢
阿難問經云波羅奢此云支節九色根形總相圓滿
皆此位內定也問何故云六入答新云六處從生眼

卷之十一

三十一

根等根三和前六處眼等六根既生多尚在胎內等故
根境識三未和合但約六根自躰云六入是尚波羅
奢攝屬也問何故云觸耶答於三受因異未了知名
觸出胎已後至二三歲見色聞聲未了知苦樂捨把
火觸毒食不淨等位但觸強故曰之觸問何故云受
耶答在嬉愛前愛四五歲後十五已前雖了知苦樂
捨三受貪求衣食等嬉愛未現前但三受強故云受
上來五是依過去業煩惱因所感得之果也故曰之
現在五果但至第十有位是前世雖業因感得愛支
已後尚帶爲未來而爲因之方十五已前未帶未來

因故局名現在五果問何故名愛耶答貪資具嬉愛
十六七歲已上漸貪妙資具嬉愛現前諸愛增強故
名愛也問何故名取耶答爲得諸境界遍馳求名取
年漸長大煩惱熾盛爲諸妙境界四方馳求不辭勞
倦雖未爲後有起善惡業而取境轉堅故名曰取此
愛取二位至未來可被云過去無明也問何故名有
耶答有謂正能造牽當有果業因馳求緣可造牽當
果之業此業有當果有者住持義也故云有也此一
位至未來可被云過去行也上來三是現在三因可
成未來果位也云問何故云生耶答結當有名生由

現在業於此命終正結當有一刹那蘊也此位至未
來可被云現在五果中識也問何故云老死耶答至
當受老死從生一刹那至當受位名老死也上來二
是未來兩果至未來可被云現在五果也是名流轉
十二因緣亦云次第相生十二有支觀此三世兩重
因緣法為無常觀緣得悟故名緣覺此人亦於無佛
世無師獨悟故亦名獨覺也云開辟支佛斷惑證理
其相如何本部行獨覺先世聲聞人故斷惑證理偏
如聲聞乘但出無佛世自然開悟故且名獨覺計也
麟角喻覺不尔前以有漏智合斷下八地八九七十

二品諸惑更不斷有頂地思惑發無漏真明見道十
六心間正頓斷無三界見惑不起其座發有頂地九
品思惑能斷九無學九解脫一座成覺但入見道斷
見惑後除欲界九品思惑其餘初禪已上七九六十
三品思惑忍智重發之是云無所作忍智見道十六
心與有頂能斷十八心今始發之故有所作忍智也
故獨覺百六十心一座成覺也問一座成覺從何位
不起千座耶答極速四生極遲百劫多三賢位也燻
法位一座成道具三十二相勝輪王不及大覺也問
聲聞緣聲同斷見思煩惱共證有餘無餘二涅槃何

因聲聞不具相好，辟支佛具足相好，耶答聲聞但斷見思，獨覺亦侵習氣，故具相好也。菩薩斷惑雖同見思，斷不染無智，故具相好也。不染無智者，習氣煩惱也。染污無智者，正使煩惱也。習氣者，數習煩惱所成氣分也。云問轉輪王雖不斷不染無智，具相好云何？聲聞不具耶答輪王三十二相，是似相而非真相好也。故頌云：相不正，明圓比問如。是十二因緣法聲聞之人亦修之，與四諦法開合異故。若余者彼亦可名緣覺耶？答：設雖修十二因緣，值佛聞聲悟道，皆可名聲聞也。設修四諦法，在無佛世開悟，尚名獨覺。故云云。

七異

問聲聞與獨覺有幾同異？耶答有七異，有三同。七異者：一、值佛聞聲，不值佛獨覺；二、聞聲聞聲，不聞獨覺；三、四諦聞聲，十二獨覺；四、四果聞聲，一果獨覺；五、鈍根聞聲，利根獨覺；六、說法聞聲，不說法獨覺；七、正使聞聲，習氣獨覺。別也。三同者：共證生滅理，同狀生死，欣涅槃，並入有餘無餘涅槃也。云具如辟支佛義。三菩薩乘之下。●七位者：此菩薩乘人，經三僧祇劫之間，修六度萬行，是化他位也。百大劫中，殖相好業，是自行位也。化他自行，因圓果滿，斷惑證理，成道入滅，等都合而論，即是七位也。初發心位，事發四弘誓願，發四無量心，所云四

三同

四弘誓

卷之三

三十一

弘誓願者度漸智證於中初之一化他也下化眾生也後之三自行也上求菩提也所云四無量心者慈悲喜捨於中與樂云慈拔苦云悲欣悅名喜平等名捨但此四無量心假相觀故雖無與樂拔苦欣悅平等以善意樂如是觀之自得無邊功德也今此初發心位雖是初僧祇攝屬為取最初發心而別開為一位也且如今日導師釋迦如來於無量劫之前為陶師名曰大光明特有佛出世号曰釋迦文佛與十大弟子并無量聲聞菩薩等俱至大光明室宿一夜也其十大弟子者頭陀第一摩訶迦葉此云飲光智慧第一

十學

舍利弗此云鶻子神通第一目犍連此云胡頭多聞第一阿難此云慶喜持律第一優婆離此云執持說法第一富留那此云滿慈子忍辱第一羅睺羅此云弊障辭空第一須菩提此云善吉天眼第一阿那律此云無貪論義第一迦旃延此云繩大光明以名草燈燭石密裝三種物供養佛為彼說法教化示教利喜即發大菩提心云願我未來世若得成佛劫國名號十大弟子等皆如今如來云是乃初發心位也昔陶師大光明發菩提心後世世號護明菩薩今導師釋迦文佛是也十大弟子等亦如昔願具如增一阿含經并大論等云一行菩薩道位

事是三僧祇劫也發菩提心後修六波羅蜜間即逢
三祇劫也初僧祇從過去釋迦文佛此云能寂至闍那尸
棄佛此云寶髻供養七萬五千佛未知我當來作佛第二
僧祇從闍那尸棄佛至提和羯羅佛此云燃燈供養七萬
六千佛雖知我當作佛末向人說第三僧祇從提和
羯羅佛至毗婆尸佛此云勝觀供養七萬七千佛已向人
說我當作佛之旨俱舍頌云於三無數劫各供養七
萬又如次五六七千佛此云又云三無數劫滿逆次逢
勝觀燃燈寶髻佛初釋迦牟尼此云所云阿僧祇者此
翻無數故三阿僧祇劫亦云三無數大劫也但雖言

無數非無數量斯乃六十數中第五十二數故云三
百劫位事從毗婆尸佛至迦棄佛百大劫間也此乃
三祇化他位故為與物結緣又行六波羅蜜百劫自
行位故為成相好因正修三十二相業也但通途佛
百大劫也如今護明菩薩依底沙佛亦云毘婆尸佛前七日
精進超越九劫於九十一劫滿相好業也此乃夫婦
同心五莖七日立撮苦行德也云四六波羅蜜圓滿
位事間三祇劫中行六波羅蜜何別為第四位耶答
實亦也但為取六度滿位別開而為二位其滿位相
如文云但此滿位是分滿位也且前四波羅蜜雖於

因位滿足之禪智二於佛果正圓滿也云又俱舍頌
云但由悲布施檀被折身無念並戒讚歎底沙佛滿
次無上善撰並禪六波羅蜜滿於如是四位一二又
一二如次修行滿比是禪智二者佛果滿也問如是
六法何名波羅蜜耶答波羅蜜者此云到彼岸亦云
度言異意同謂如是六法離六弊即度生死流到善
提彼岸故也云五一生補處菩薩事且如護明菩薩
於過去迦葉佛御前百大劫滿為補處弟子之位也
亦云一生所繫聞所云一生者是何一生耶答一生
者餘有一生在成佛之生與定補處之生中間但受

一生補處菩薩

一生故云一生知是上生天上一生也補處者次當
補佛處天上一生後必下生人間次當成佛是云補
處知是寂後身生也故知指來生名一生指來來生
云補處此二事於百大劫滿決定之故云一生補處
也云六生都率天位事是捨定補處之生正受生天
上滿足天上生是也九言三界六道壽命無間一中
劫非想八萬劫只其梗概也實隨緣依人有其滿不
滿但北州一千歲諸人無中交生都率天菩薩一人
無中交故云定壽四千歲必無中交七八相成道事
一生天下天等者是從上生都率至降靈閣浮身也

八相

問此之一相全，是上之生都率天位也。如何脊上來，七位次第連續，鈎鎖相次，謂從初發心位出三祇百劫，還攝初僧祇，以三祇百劫所修六波羅蜜圓滿，別開名第，第四位從百劫滿出補處位，以一生補處中生都卒天名第五位，故今亦帶上生天上，合下天降靈，以為八相初開出，此相次名，託胎相故無失。云託胎者，菩薩都卒天壽滿，知見閻浮提衆生，值佛開悟，時節熟入大普賢三昧，化乘白鳥，王降中天竺迦毗羅王宮，從摩訶摩耶此云天術夫人右脇入住胎內，胎內廣博，說法利生，朝中哺如，次為色欲鬼說法要也。云出

胎者十月懷胎，後於蘭毗尼園中無憂華樹下，從右脇誕生，十方七步，大師子吼唱云：天上天下唯我獨尊，三界皆苦，我當安之。云出家者，潛出王宮，速至提婆羅此云元吉樹下，獻明珠，送瓔珞，遣內服也。但出家成道異說不同也。且普賢菩薩照明功德經云：十九踰城捨國王位，三十成道教化衆生，文其後，遂三所仕，四仙修治外道法也。謂先行王舍城北，仕阿藍迦藍二人，次至雪山半腹，從鬱即多羅摩子後，聳登雪山頂，師毗羅梵志其間，即經六年也。云降魔者，仕從四仙之後，於彼雪山嶺六年端坐，其後往詣菩提樹下

金剛座將唱正覺之時諸魔競起悉降伏之故云降
魔相也問降魔其相如何答摠有十魔謂五蘊煩惱
業心死天失善根三昧魔善知識不弁正法魔是即
名為十降魔別而降之第七失善根魔也又於十魔
中第六天魔是外魔也餘悉是內魔也取降外魔有
三女四軍魔王三重不同三女變老女四軍舉五指
現五師子魔王彈一指請地神也云云成道者如是降
魔已發三十四心斷結成道三十四心者此菩薩乘
利利上上人故以有漏智合斷下八地八九七十二
品思惑五部合斷如辟支佛但無漏真明發得後而

無起已斷思惑忍智即起非想地九品思惑能對治
忍智故見惑八忍八智十六非想地思惑九無導九
解脫十八都合三十四心斷結成道一座成覺也已
成道了得斷治非斷治離繫故不染無智勝緣闕得
開內心清淨故忽外相成紫磨金色相好圓滿身也
轉法輪者四十九年三百六十餘會說四悉檀法一
世果悉檀者隨眾生樂欲示教利喜也二為人悉檀者
調伏眾生令修事善三對治悉檀教化眾生令斷事
惡四第一義悉檀開導眾生令入真理也云云又有三
轉十二行法輪十二轉四十八行法輪三轉法輪者

示勸證三也示四諦法云示相轉以所示勸云勸相
轉依令勸修證四諦理云證相轉是名三轉法輪也
十二行者三轉每一轉即生眼法忍智法明忍類覺智類之
四故三四十二行法輪也云十二轉者今十二是也
四十八行者今此十二轉四諦之每一諦有之所謂
苦諦三轉十二行乃至道諦三轉十二行等也故通
計名十二轉四十八行法輪也此三轉十二行法輪
俱舍師義也十二轉四十八行法輪婆娑師義也云
入涅槃者於沙羅雙樹下歸齊業入滅七十九歲也
問如來入滅當唐土日本何時代亦經幾年數耶答

不以佛證

唐土當周興百八十四年第五主穆王滿五十年壬申
日本當地神第五代神天津彥波瀲武鸕鷀草薙不
谷尊治天下八十三萬五千七百六十四年壬申神武
天皇元年辛酉已前二百八十九年也自余以來至日
本明德三年壬申已遂二千三百四十一年也云九此
教意不成佛者有其四類等事扇提者此云無信即
無信謗者也付之有二一本性扇掃者是自本心識
昧劣無信謗厭欣者也二根壞扇提者亦云損壞言
異意同是或依痲疾或值棄精諸根損壞故無信謗
厭欣者也云問半擇迦者是何者乎答亦是梵語此

云無根亦云根不具不具無具根名故云無根言異
意同付之有_三一半月是於一月中半月男根半月
女根也_二嫉妬是雖具男女根聞行媾起欲愛正欲
行媾其根萎塞者還如根不具_三灌灑者但沐浴時
雖增娼愛正不得行媾還亦根不具攝也此扇掃半
擇迦名黃門頌疏云扇掃半擇迦名_二黃門_又問無
根者是何者耶答雖有身軀無男女根者也問_二形
俱生者是何者耶答於一身中具男女二根之者也
上來七種人永劫不成佛亦是捨佛法非器之者也
_云問當教菩薩地位如何分別答且如天台教相初

僧祇三賢位也第二僧祇燼法位也第三僧祇頂法
位也百大劫等下忍位也寂後身中忍位也前五相
上忍位也成道相卅第一法位也此位絡心頓登聖
位成無上覺王也_云但當教意不示三祇摠外凡三
賢位也不轉女身百劫內九四善根位也但百劫燼
頂下忍補處生天等中忍寂後身等五相上忍成道
相卅第一法也而正一座成覺時從燼法一座修得
頓成無上覺王也問當教佛具幾功德耶答具如菩
薩義_云

淨土略名目圖見闍上終

美忠寺
多那江

略見上

四十一

佛敎大學 所藏



333223

